



Inatsisartuni ilaasortaq,  
Aslak W. Jensen, Siumut  
Maani/

**§ 37 naapertorlugu apeqquteqaammur nr. 080 Kitaani qernertartassanut tunngasumut akissut**

Ulloq: 01-07-2021  
Sulap normua: 2021 - 12334  
Akt normu: 17176473

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit, qernertartassat pillugit. Apeqqutitit uanga suliasaqarfigisannut akisassanngortinneqarsimapput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

*1. Naalakkersuisut nunatta kitaani qilalukkanik qernertanik ukioq mannamut pisassanik ilasinissamik pilersaaruteqarpat?*

Akissut:

Pissutsit pillugit Naalakkersuisoqarfik erseqqinnerusumik misissuivoq Upernavimmut tunngatillugu. Pisariaqartitsisoqassappat Naalakkersuisunut isummernissamik tunngavissiamik suliaqartoqassamat. 2021-imut qilalukkanik qernertanik pisassiissutitut aalajangerneqartut katillugit 52-iupput 2020-imilu atorneqanngitsut nuunneqartut marluullutik. Kisiannili pisarianik nalunaarutit 63-it tiguneqarnikuupput, tamassumalu kinguneraa qilalukkanik qernertanik ukioq maanna pisassiissutit qulingiluanik qaangerneqarnerat.

August aammalu Oktober 2020-mi Kalaallit Nunaat tamakkerlugu 2021-mut pisassiissutit tusarniutigineqareerlutik, December 2020 tusagassiuutitigut tamanut saqqummiunneqarput. Takuuk tusagassiuutitigut nalunaarut ilanngussa.

Takuuk apeqquteqaammur nr. 037 og nr. 058 akissutit.

*a. Ilaseqqinniarunik pisassiivinni aalajangersimasunik sorlarni qanoq amerlatigisunik pisassat ukioq mannamoortut ilaqqinniarpaat?*

Akissut:

1-mut akissuteqaat innersuussutigivara.

*2. Naalakkersuisut qilalukkanut qernertanut pisassiisariaatsip allanngortinnissaanik pilersaaruteqarpat?*

Akissut:

2020-mut pisassiissutinut tunngatillugu Kalaallit Nunaata Kitaani qilalukkanik qernertanik pisassanik siunnersuuteqarneq allannguuteqanngilaq.

Kalaallit Nunaata Kitaani qilalukkanik qernertanik pisassiinermi pilersaarut naapertorlugu ukiumut pisassiissutit 424-upput, piffissami 2016-imiit 2020-mut aammalu 2021-p tungaanut allannguuteqaratik.

Maannakkuugallartoq qilalukkanut qaqortanut qernertanullu tunngatillugu Naalakkersuisut qilalukkanut aqutsinissamik pilersaarummik peqanngillat. Taamaakkaluartoq suli-aqartoqarpoq naammasseriarpataq tamanut tusarniutigineqartussamik.

Tunngavilersuutigisanni oqaatigivat Kalaallit Nunaata Kitaani piffinni arlalinni qilalukkat qernertat pisassiissutigineqartut nungunneqarsimasut. Oqaatigisinnaavaara Naalakkersuisoqarfimmi pisarineqartutut nalunaarutigineqartut malinnaavigeqqissaarneqarmata, tassani aamma qilalukkat qaqortat qernertallu ilanngullugit.

Pisarineqartutut nalunaarutigineqarsimasut tiguneqarsimasut juunip 25-iani 2021 naapertorlugit Upernavimmi Aqutsiveqarfik kisimi pisassiissutinik tamakkiisumik pisaqarsimavoq qilalukkanik qernertanik 9-nik sippuilluni. Kitaani aammalu Tunumi aqutsiveqarfiit sinnerinut tunngatillugu maannamut pisanut nalunaarutit tiguneqarsimasut tunngavigalugit pisassiissutinik nunguttoqarsimanngilaq.

Inussiarnersumik inuulluaqqusillunga



Aqqaluaq B. Egede  
Aalisarnermut Piniarnermullu Naalakkersuisoq



## Tusagassiorfinnut nalunaarut Pressemeddelelse

### 2021-imi Nunap immikkoortuinut Qilalukkat qaqortat qernertallu pisassiissutit

21-12-2020  
Sags nr.: 2020 – 8558  
Akt nr.: 15685178

Decemberip 17-iani 2020-imi Aalisarnermut, Piniarnermut Nunalerinermullu Naalakkersuisoq 2021-imum qilalukkanut qaqortanut qernertanullu pisassiissutissat tusarniaareernerup kingorna aalajangerpai.

Ullormi 2. Januaari 2020 Naalakkersuisoq Naalakkersuisunit agguaassinissamut piginnaatinneqarpoq tusarniaanerit pereernerisigut, ilisimatuussutsikkut siunnersuummik nutaamik takkuttoqarnissaata tungaanut.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

### Qilalukkat qernertat

Tabel 1a: 2021-imi Nunatta Kitaani qilalukkanut qernertanut pisassiissutit.

Zone	Aqutsiveqarfiit	2020-imi pisassiissutit	2021-imi pisassiissutit
1	Etah	5	5
2	Qaanaaq	98	98*
3	Savissivik	18	18
	Upernavik	38	52**
4	Uummannaq	140	154
5	Ilulissat	19	5
	Qeqertarsuaq	80	80
	Qasigianniguit		
	Aasiaat		
	Kangaatsiaq		
	Sisimiut	6	6
	Maniitsoq	2	2
	Nuuk		
	Paamiut		
	Narsaq	4	4
	Qaqortoq		
Nanortalik			
	Nunatta Kitaa tamakkerlugu	410	424

Tabel 1b aamma 1c tassaapput Naalakkersuisoqarfiup pisassiissutit naligiinnerusumik agguarneqarnissaannut siunnersuutaat, Kommunep aalajangersinnaasaa malinniarnarlugu immaqaluunniit malinnianninnerlugu.

Tabel 1b: APNN-ip Qaanaamut nunaqarfiinullu qilalukkanut qernertanut pisassiissutit agguarneqarnissaanut siunnersuutai.

	<b>Illoqarfik aamma nunaqarfiit</b>	<b>2021-imi pisassiissutit</b>
<b>Zone 2</b>	Qaanaaq	87
	Siorapaluk	7
	Qeqertat	4
	<b>Aqutsiveqarfik Qaanaaq</b>	<b>98</b>

Tabel 1c: APNN-ip Upernavimmut nunaqarfiinullu qilalukkanut qernertanut pisassiissutit agguarneqarnissaanut siunnersuutai.

	<b>Illoqarfik aamma nunaqarfiit</b>	<b>2021-imi pisassiissutit</b>	
<b>Zone 3</b>	Upernavik by	11	
	Kullorsuaq	8	
	Nuussuaq	6	
	Nutaarmiut	2	
	Tasiusaq	6	
	Innaarsuit	4	
	Naajaat	2	
	Aappilattoq	4	
	Kangersuatsiaq	3	
	Upernavik Kujalleq	6	
		<b>Aqutsiveqarfik Upernavik</b>	<b>52</b>

### 2021-imi Tunumi qilalukkanut qernertanut pisassiissutit.

Ulloq 02/01 2020 Naalakkersuisut aalajangiinerattut, 2021-imi pisassiissutissatut pilersaarut Tunumi qilalukkanut qernertanut pisassiissutinut tunngassuteqartoq allanngunngilaq.

Tabel 2: 2021-imi Tunumi qilalukkanut qernertanut pisassiissutit

<b>Zone</b>	<b>Aqutsiveqarfiit</b>	<b>2020</b>	<b>2021</b>	<b>2022</b>	<b>2023</b>
6	Tasiilaq	10	5	0	0
8	Kangerlussuaq	0	10	15	10
7	Ittoqqortoormiit	40	25	15	10
	<b>Tunumi pisassiissut tamakkiisoq</b>	<b>50</b>	<b>40</b>	<b>30</b>	<b>20</b>

### Qilalukkat qaqqortat

Nunatta kitaani qilalukkanut qaqqortanut pisassiissutit tamakkiisumik tulaanneqartussat 302-upput, taakkunani Qaanaamut ukiumoortumik pisassiissutit 37-it tulanneqartussat, ("Qaanaaq qilalugaqatigiit"-tut) immikkut pisassiissummik tunineqartoq. 2021-miit Savisivik Nunatta Kitaata pisassiissutaanut ilanngunneqarpoq.

2021-imi Nunatta Kitaani qilalukkat qaqqortaqtigiinniit 265-it ammasumik periutsinut assigiinngitsunut marlunnut aamma piffissanut assigiinngitsunut marlunnut agguarneqarput. Tassani pineqarput 2021-imi saniatigooralugu pinialuttartut aamma inu-

ussutissarsiutigalugu piniartut avannaani Savissivimmeersut kujammut Narsarmijit tikillugit.

Piffissaq piniarfissaq siulleq Januaarip 1-niit juni-p 30-at ilanngullugu sivissuseqarpoq.

- Savissivik, Upernavik, Uummannaq aammalu Ilulissat qilalukkat qaqortat piffissami piniarfissami siullermi 120-it pissarsiarissavaat, kommunimit agguarneqartussat.
- Qeqertarsuaq, Qasigiannugit, Aasiaat Kangaatsiaq-llu piffissami piniarfissami siullermi qilalukkat qaqortat 88-it pissarsiarissavaat, kommunimit agguarneqartussat.
- Sisimiut Maniitsoq-lu qilalukkat qaqortat 52-it pissarsiarissavaat piniarfissami siullermi, taakku kommunemi akunnerminni agguassavaat.
- Nuuk, Paamiut, Narsaq, Qaqortoq Nanortalik-lu qilalukkat qaqortat 5-t pissarsiarissavaat, kommunemi akunnerminni agguassallugit.

Nunatta Kitaani kommunit tamarmik pisassiissutit 10%-iat tikillugu saniatigooralugu pini-  
aluttartunut tunniussinavaat, piaartumillu saniatigooralugu pini-  
aluttartunut kiisalu inu-  
ussutissarsiutigalugu piniartunut agguassineq Naalackersuisoqarfimmut kommunimit  
nalunaarutigineqassalluni. Kommunit aqutsiveqarfimmini pisarineqartut ataavartumik  
nalunaarutigisassavaat, taamaalilluni sinneruttut juulip 1-iat 2021 tamanut nalunaaruti-  
neqarsinnaassallutik.

Piffissap piniarfissap aappaa Juulip 1-aniit Decemberip 31-at ilanngullugu sivissuseqarpoq, piffissami siullermi sinnerussimasinnaasut killeqarfimmut 3-miit 5-imut saniatigooralugu pini-  
aluttartunut inu-  
ussutissarsiutigalugu piniartunut ammarneqassallutik, avannaani Savissivimmiit kujataani Narsarmijit tikillugit. Piniarfimmut killiliussat piffissap aappaani pisassiissutit ammaanneqarpata atuutiinneqassapput.

Piniarnermut piffissarititaasumi siullermi saniatigooralugu pini-  
aluttartunut qilalukkat qaqortanit pisassiissutit 10%-ii pisassanngortinneqarsinnaapput illuatungaanilli piniarnermut piffissarititaasup aappaani qilalukkat pisassarititat sunngifimmi pini-  
aluttartunut inu-  
ussutissarsiutigalugu piniartunit piniarneqarsinnaassallutik piniarnissamut piffissarititaasut aappaanut allagartaqarunik akuersissuteqarlutillu. APNN-i Naalackersuisunit piginnaatinneqarpoq piniarnissamut piffissarititaasup aappaani 10%-imik piumasaqaatip atorunnaarsinneqarsinnaaneranut.

Tabel 3a: Nunaata kitaani qilalukkanut qaqortanut pisassiissutit

Zone	Qilalugaqatigiit	2021-imi piffissaliussaq 1. 1.jan. – 30.juni	2021-imi piffissaliussaq 2. 1.juli – 31.dec.
1-2	Qaanaaq	37 - 8 =29*	
3	Upernavik og Savissivik		Pisassiissutit
4	Uummannaq	120	sinneqassagaluarpata
5	Ilulissat	88	Piffissaliussami 1-imi
	Qeqertarsuaq		
	Qasigiannugit		
	Aasiaat		
	Kangaatsiaq		
	Sisimiut		
	Maniitsoq	52	Ammaanneqassapput killigititaasut iluanni zone 3-imiit 5-imut

	Nuuk	5	
	Paamiut		
	Narsaq		
	Qaqortoq		
	Nanortalik		
	<b>Tamakkiisumik</b>	<b>302 – 8 = 294</b>	

\* = Teknikkikkut pisasiinerit ilisimatuussutsikkut qilalukkanik qaqqortanut tunngatillugu siunnersuinerup nutaap 2020-imi ukiami kingusissukkut tigungera ilutigalugu allangortinneqarput. Ilisimatuussutsikkut nutaamik siunnersuinerit qanorluunniit isikkoqaraluarpata 2019-imi sippuine-rujussuaq 2028-p tungaanut qilalukkanik 8-nik iluarsissutitaqartassaaq.  
 \*\* = Tabel 3b takuuk, 2019-imi sippuineqarsimanerup kingorna qilalukkanut qaqqortanut pisasiissummut aqqiineq.

Tabel 3b: Qaanaami qilalukkanut qaqqortanut ukiuni 9-ni pisasiissummut aqqiissut.

Ukiok	Ukiuumut pisasat	2019-imi sippuisimanerup kingunera	2029-p tungaanut pisassat
2021	37	-8	29
2022	37	-8	29
2023	37	-8	29
2024	37	-8	29
2025	37	-8	29
2026	37	-8	29
2027	37	-8	29
2028	37	-8	29
2029	37	0	37
tamakkiisumik	<b>333</b>	<b>-64</b>	<b>269</b>

Tabel 3c tassaavoq Naalakkersuisoqarfiup pisasiissutit naligiinnerusumik agguarneqarnissaannut siunnersuutaat, Kommunep aalajangersinnaasaa malinniarnarlugu immaqaluunniit malinniannginnerlugu.

Tabel 3c: APNN-ip Qaanaamut nunaqarfiinullu qilalukkanut qaqqortanut pisasiissutit agguarneqarnissaannut siunnersuutai.

Zone 1-2	Illoqarfik aamma nunaqarfiit	2021-imi pisasiissut
	Qaanaaq	20
Siorapaluk	6	
Qeqertat	3	
	<b>Aqutsiveqarfik Qaanaaq</b>	<b>29</b>

### 2021-imi pisasiissutinik aqutsiveqarfinnut agguassineq

Pisasiissutit kommunemil aqutsiveqarfinnut agguanneqassapput, taakkulu aalajangis-savaat qanoq iluaqutigineqassanersut. Kommunit illoqarfiit, nunaqarfiit, inuussutissarsu-utigalugu aamma sunngiffimmi piniartut akornanni qanoq agguarniarnarlugit aalajangee-reerpata Naalakkersuisoqarfik nalunaarfigissavaat. Kommuunit aqutsiveqarfimmini pisarineqartut ataavartumik nalunaarutigisassavaat, taamaalilluni sinneruttut juulip 1-iat 2021 tamanut nalunaarutigineqarsinnaassallutik. Pisasiissutinik agguassinermi eqqumaffigineqassaaq qilalugatiigaaat ataasiakkaat iluanni agguassineq pissammat.

Kommunit pisassiissutit saniatigooralugu pinaluttartut aamma inuussutissarsiutigalugu piniartut akornanni qanoq agguaassinerminnik Naalakkersuisoqarfik nalunaarfigissa-vaat.

Takuuk Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersumi § 9 imm. 2 malillugu sunngiffimmi piniartartut aqutsiviup qilalukkanik qaqortanik qernertanillu pisassiis-sutaasa 0-10 %-iisa akornanni amerlassuseqartunik kommunalbestyrelsimit pisassin-neqarsinnaapput kiisalu Tunumi 0-15 %-iisa akornanni.

### **Inatsit tunngaviusoq**

Qilalugarniarnermut atatillugu aalajangersakkat qilalukkat illersugaanerat piniagaaneral-lu pillugit Namminersorlutik Oqartussat Nalunaarutaat nr. 3, 27. januar 2017-imeersumi erseqqissumik aalajangersarsimapput.

### **Pisassiissutininik pisarinngitsuukkanik nuussineq – "Carry-over"**

Ukiup siuliani pisassiivimmi pisassiissutit nungunneqanngitsoortut ukiup pisassiviup tullianut nuunneqassapput. Nuussinermi ukiumiit ukiumut amerliartortitsinngitsoq periu-seq atorneqassaaq.

2020-imi inaarutaasumik pisat januaarip 12-iani 2021-imi kisinneqarnissaat sulissutigere-supparput, tamatumalu kingorna 2021-imi pisassiissutit nalimmassarneqarsinnaassal-lutik. Kommunit piumaffigineqassapput pisanut nalunaarsuutit kingulliit aamma 2020-imi pisat annertussuseq ataatsimoortoq januaarip 8-ni 2021-imi kingusinnerpaamik Naalak-kersuisoqarfimmut nassiuteriissagaat.

*Sukumiinerusumik paasisaqarusukkaanni immikkoortortaqarfimmi pisortaq Amalie A. Jessen attavigiuk, oqarasuaat 34 50 04, e-mail: Amalie@nanoq.gl*